



Մ Ա Յ Ր Ա Թ Ո Ռ Ո Ւ Մ

ՀՈՒՆՎԱՐԻ 1-ԻՆ, ՉՈՐԵՔՇԱՐԹԻ, Կաղանդ
և տարեմուտ 1958 թվականի:

Նոր տարվա տոնի կապակցությամբ Մայր
Տաճարում պատարագեց և քարոզեց գերա-
շնորհ Տ. Վարդան կախսկուպոս Տեր-Սահակ-
յանը:

Հավարտ սուրբ պատարագի կատարվեց
Հայրապետական մաղթանք:

Սուրբ պատարագին ներկա էր Վեհափառ
Հայրապետը:

Սուրբ պատարագից հետո նոր տարվա
տոնի առիթով Վեհափառ Հայրապետը ըն-
դունեց միաբանության, պաշտոնեության,
Հոգևոր ճեմարանի ուսանողության և պաշ-
տոնական անձնավորությունների շնորհա-
վորությունները:

ՀՈՒՆՎԱՐԻ 5-ԻՆ, ԿԻՐԱԿԻ, «Ծրագալույց
Մենդեան և Աստուածայայտություն Քրիս-
տոսի»:

Երեկոյան ժամերգության ժամանակ Մայր
Տաճարում Հոգևոր ճեմարանի ուսանողները
ընթերցեցին Դանիելի գիրքը:

Օրվա տոնի առիթով պատարագեց և քա-
րոզեց Հոգևոր ճեմարանի վերատեսուչ գե-
րաշնորհ Տ. Հայկապուն կախսկուպոս Արքա-
համյանը՝ «Որդիք մարդկան, օրհնեցէք, զի
վաճմ մեր մարմնացաւ» շարականի բնարանի
վրա, ծանրանալով Քրիստոսի մարդկու-
թյան մեծ խորհրդի վրա, մարդկանց փրկա-
գործության համար:

Հավարտ սուրբ պատարագի կատարվեց
նախատոնակ, հանդիսավոր ու ցնծագին
հնչեց «Ճորճուրդ մեծ և սքանչելի» Մենդեան
շարականը՝ հոգիները լցնելով տւրախ ավե-
տիքով:

Ծրագալույցի արարողությանց նախագա-
ւում էր Վեհափառ Հայրապետը:

Հավարտ սուրբ պատարագի և նախատո-
նակի, Վեհափառ Հայրապետը, եկեղեցական
թափորով և շարականով, առաջնորդվեց վա-

նական սեղանատուն և բարեհաճեց սեղա-
նակից լինել միաբանության և ուսանողու-
թյան Ս. Մենդեան ավանդական ճաշին:

ՀՈՒՆՎԱՐԻ 7-ԻՆ, ԵՐԵՔՇԱՐԹԻ, «Եղատակ
մեռելոց»:

Մայր Տաճարում պատարագեց հոգեշնորհ
Տ. Մաշտոց արեղա Թաթիրյանը:

Հավարտ սուրբ պատարագի կատարվեց
հոգեհանգիստ՝ ի հիշատակ մեռելոց:

ՀՈՒՆՎԱՐԻ 10-ԻՆ, ՈՒՐԱԿԻ, Հոգևոր ճե-
մարանում վերսկսվեցին դասավանդությու-
նները Ս. Մենդեան արձակուրդից հետո:

ՀՈՒՆՎԱՐԻ 12-ԻՆ, ԿԻՐԱԿԻ, Մայր Տաճա-
րում պատարագեց և քարոզեց Մայր Աթոռի
փոխ-լուսարարարապետ հոգեշնորհ Տ. Եղի-
շե վարդապետ Սարգսյանը՝ «Զի ծնաւ ձեզ
այսօր Փրկիչ, որ է օծեալ Տէր ի քաղաքի
Դաւթի» բնարանով (Ղուկ. Բ 11):

Սուրբ պատարագին ներկա էր Վեհափառ
Հայրապետը:

ՀՈՒՆՎԱՐԻ 13-ԻՆ, ԵՐԿՈՒՇԱՐԹԻ, «Տօն
անուանակոչութեան Տեառն մերոյ Յիսուսի
Քրիստոսի»:

Մայր Տաճարում պատարագեց հոգեշնորհ
Տ. Մուշեղ վարդապետ Պետիկյանը:

Սուրբ պատարագին ներկա էր Վեհափառ
Հայրապետը:

ՀՈՒՆՎԱՐԻ 14-ԻՆ, ԵՐԵՔՇԱՐԹԻ, «Տօն
ծննդեան Ս. Յովհաննու Կարապետին»:

Օրվա մեծ սրբի տոնի առիթով Մայր Տա-
ճարում սուրբ պատարագ մատուցեց հոգե-
շնորհ Տ. Մուշեղ վարդապետ Պետիկյանը:

ՀՈՒՆՎԱՐԻ 16-ին, ՀԻՆԳՇԱՐԹԻ, Երեկոյան ժամը 4-ին, Հոգևոր Ճեմարանի հանդիսութեան ղազլիճում բանախոսեց Գերագույն Հոգևոր Խորհրդի անդամ և Հայկական ՍՍՌ Գետնութեան ղեկավար Լեզվի ինստիտուտի տնօրեն, անվանի գիտնական պրոֆ.-դոկտ. Ա. Ղարիբջանը՝ «Լեզվի ծագումը» թեմայի շուրջ:

Դասախոսության ներկա էին ամբողջ միաբանությունը, Ճեմարանի ուսանողությունը և վանքի պաշտոնեությունը:

Հարգելի գիտնականը մոտ մեկ ժամ տևող իր շատ շահեկան բանախոսության մեջ հատկապես կանգ առավ հայոց լեզվի՝ որպես հնդեվրոպական մի առանձին և անկախ ճյուղի պատմության վրա: Բանախոսության վերջում պրոֆ.-դոկտ. Ա. Ղարիբջանը սիրով պատասխանեց ունկնդիրների՝ դասախոսության հետ կապված մի շարք լեզվաբանական հարցերին: Դասախոսությունը լավեց մեծ հետաքրքրությամբ:

Դասախոսության ներկա էր Վեհափառ Հայրապետը:

ՀՈՒՆՎԱՐԻ 19-ին, ԿԻՐԱԿԻ, Մայր Տաճարում՝ պատարագեց հոգեշնորհ Տ. Մուշեղ վարդապետ Պետիկյանը:

«Հայր մեր»-ի ժամանակ Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը պաշտոնապես կարգաց ի լուր ժողովրդյան Վեհափառ Հայրապետի 1957 թվականի դեկտեմբերի 20 թվակիր հայրապետական սրբատառ կոնդակը՝ զրված Անթիլիասի ոտնձգությանց առ-

թիվ: Սրբազանը ապա քարոզեց՝ բացատրելով հայրապետական կոնդակի պատմական նշանակությունը:

Մայր Տաճարում հավաքված հավատացյալների բազմությունը խորոմնկ ուշադրությամբ և հուզմունքով լսում էր հայրապետական կոնդակի յուրաքանչյուր տողը և միտքը:

Սուրբ պատարագին ներկա էր Վեհափառ Հայրապետը:

Այսօր, Գերագույն Հոգևոր Խորհրդի որոշումով, մեր անբեկ թեմերի բոլոր եկեղեցիներում ևս հանդիսավորապես կարգացվեց Վեհափառ Հայրապետի դեկտեմբերի 20 թվակիր սրբատառ կոնդակը՝ Անթիլիասի ոտնձգությանց մասին:

ՀՈՒՆՎԱՐԻ 23-ին, ՀԻՆԳՇԱՐԹԻ, Հոգևոր Ճեմարանում, Երեկոյան ժամը 4-ին, իր երկրորդ բանախոսությունը կարգաց պրոֆ.-դոկտ Ա. Ղարիբջանը՝ «Հայոց լեզվի բառակազմությունը և հիմնական բառային ֆոնդը» շատ հետաքրքիր և շահեկան թեմայի շուրջ, որը բոլոր ներկաների կողմից լավեց հարաճուն հետաքրքրությամբ:

ՀՈՒՆՎԱՐԻ 26-ին, ԿԻՐԱԿԻ, Մայր Տաճարում պատարագեց և քարոզեց Հոգևոր Ճեմարանի փոխ-տեսուչ հոգեշնորհ Տ. Մեսրոպ վարդապետ Անթաբյանը՝ «Զանգորենություն իմ ես ինձն գիտեմ և մեղք իմ առաջի իմ են յամենայն ժամ» բնարանով:

Սուրբ պատարագին ներկա էր Վեհափառ Հայրապետը:

